

11. maj 2016

Danmarkimi Kalaallit Peqqissartut Illuani ukiuni arlaqartuni nappaatertik peqqutigalugu najugaqartariaqartunut inissialiornissanik Naalakkersuisut misissuinissamik suliaqaqqullugit peqquneqarnissaannik siunnersuut.

(Inatsisartunut ilaasortaq Mimi Karlsen, Inuit Ataqtigii)

Siumumiit Inatsisartunut ilaasortap Mimi Karlsenip Kalaallit peqqissartut illuanni sivisuumik najugaqartariaqartartut atugassarititaannik pitsannngorsaataasinnaasunik misissuisoqarnissaanut siunnersuutaanut, Siumumiit qujavugut, imannalu oqaaseqassalluta:

Siumumiit siunnersuuteqartup isumaa paasilluarparput aammalu siunnersuummut assingusunik Siumumit isummersortarpugut.

Inuttut susassareqatigiinnitta aammalu inuiaqatigiittut akisussaaffitta ilagaat napparsimasortatta isumassornissaat. Aammalu taakkunannga ilaapput nunatsinni ikiorsersinnaanngisagut sivisoorsuarmik Danmarkimiittariaqartartut. Soorlu siunnersuuteqartup eqqaagai tartuminnik salitsittartut aammalu allat nunatsinni nakorsarsinnaanngisavut Naalagaaffiup napparsimaviani suliaritittariaqartarpavut.

Siunnersuuteqartup tikippaa ineeqqat inigineqartartut mikisuararsuusut. Siumumiillu paasisinnaavarput napparsimalluni avatangiisini allarlunnarni nunami allamiilerneq oqimaatsorsiorfiusinnaasarmat. Siumumiit Naalakkersuisut akissuteqaataanni inissiaaqqat Sivisuumik najugaqartussanut aammalu meeqqalinnut naleqqussakkanik Kalaallit peqqissartut illuanni sisamanik ineeraqarnera periarfissaasoq maluginiarparput.

Naalakkersuisuttaaq akissuteqaamminni tunngavissaqarsorinngilaat illuutiniq pisinissaq. Tassa ilaatigut nikerarmat ukiumut ataaseq imaluunniit marlut pisariaqartitsisarmata sivisunerusumik, tassa ukioq sinnerlugu, Kisiannili attartortarnissaq orniginartinnerullugu.

Siumumiit naalakkersuisut oqariartuutaat paasilluarparput aammalu ilalerlugu. Taamaattumik Naalakkersuisut allannguutissatut siunnersuutaat ilalerparput.

Siunnersuut aappassaaneerneqartinnani Ilaqutariinnermut peqqissutsimullu ataatsimiitsitaliami suliarineqarnissaa inassutigaarput.

Ineqi Kielsen

Siumut